



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 42. Fidei articuli a Parisiensi Facultate Theologica itidem propositi.

---

[urn:nbn:de:hbz:466:1-66615](#)

diam, & ædificationem Christiani populi, Sæcul. XVI.  
si qui vero contraria agant, eos pro modo A.C. 1544.  
Facultatis nostræ omnino punire decrevi.  
mus.

Præterea ipsem Cæsar promulga-  
to edito hanc doctrinam omnino se-  
quendam esse decrevit.

### §. XLII.

#### *Fidei articuli a Parisensi Facultate Theologica itidem propositi.*

Cum jam antea Galliarum Rex ejus- *Vid. lib.*  
modi articulos proponendi manda- *CXL. §. 74.*  
tum Parisinæ Facultati Theologicæ de- *& 75.*  
disset, illius Doctores hæc Regis jussa *Argent. t. 2.*  
anno Christi millesimo quingentesimo *p. 133.*  
quadragesimo secundo die decima octa- *l. 16. p. 529.*  
va Januarii executi sunt, ac viginti no-  
vem articulos, quos jam alibi recensui-  
mus, proposuerunt: hoc autem anno  
eadem Facultas Doctoribus æque ac  
Baccalaureis, ne doctrinam his articu-  
lis adversam traderent, severè inhibuit,  
præcepitque, ut articulis hisce subscri-  
berent: nec minus postea Verbi divini  
Præcones hortata est, ut S. Spiritus gra-  
tiam per B. Virginis Mariæ intercessio-  
nem pro more implorarent. Hæc Fa-  
cultatis statuta Rex promulgari jussit,  
eosque, qui contrarium docere præsu-  
merent, poenis coerceri voluit, cui ac-  
cessit quoque summi Pontificis approba-  
tio.

Sæc. XVI. A.C. 1544. tio. Insuper Franciscus Rex, quam primum Concilium fuisse indictum com pererat, mox ad Fontem Bellaqueum, ubi tum agebat, Parisiensis Facultatis Theologos accersivit, qui etiam Regis mandato morem gerentes, Meloduni convenere, ac de fidei dogmatibus in Synodo proponendis, ac necessario definiendis deliberarunt; ast circa doctrinam nulla nec mutatione, nec additione facta articulis jam antea decretis institerunt, quamvis non idem inter eos esset opinionum consensus circa Disciplinam; eorum enim nonnulli Decreta in Constantiensi & Basileensi Conciliis promulgata confirmari, nec non Pragmaticam Sanctionem instaurari postulabant: alii vero hæc contentionum argumenta nullatenus revocanda censebant; verebantur enim, ne Rex offenderetur ejusmodi petitionibus, eo quod hæ omnino contrariæ essent concordato, quod idem cum Leone X. summo Pontifice olim exerat (\*).

## §. XLIII.

(\*) De successu hujus consultationis Parisinæ Sleidanus loc. cit. ita differit: *Hujus deliberationis hic fuit exitus, ut, licet multum esset inter eos altercationis, tamen in iis, quæ jam antea promulgaverant Lutetiae, nihil immutarent.*